



Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs
Police department

Broj: 02 -11-4-2260-6/23
Datum: 16.05.2023. godine

Na osnovu člana 23. stav (3) tačka h) i 24. stav (2) i (3) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19, 31/19 i 39/20), člana 69. stav (1) tačka a), a u vezi sa članom 70. stav (1), (3) i (6) Zakona o javnim nabavkama („Službeni glasnik Bosne i Hercegovine”, broj 39/14 i 59/22) i preporuke Komisije za sukcesivnu nabavku usluga osiguranja motornih vozila (obavezno i kasko), radarskih sistema i kućišta za radarski sistem sa pratećom infrastrukturom za potrebe Uprave policije, imenovane Rješenjem broj: 02/5-1-30-1-2327 od 03.04.2023. godine, u postupku javne nabavke usluga osiguranja motornih vozila (obavezno i kasko), radarskih sistema i kućišta za radarski sistem sa pratećom infrastrukturom, putem otvorenog postupka, zamjenik policijskog komesara Uprave policije Ministarstva unutrašnjih poslova Kantona Sarajevo, d o n o s i:

ODLUKU

O IZBORU NAJPOVOLJNIJEG PONUĐAČA I DODJELI UGOVORA

I

Prihvata se preporuka Komisije za sukcesivnu nabavku usluga osiguranja motornih vozila (obavezno i kasko), radarskih sistema i kućišta za radarski sistem sa pratećom infrastrukturom i ugovor za javnu nabavku osiguranja motornih vozila (obavezno i kasko), radarskih sistema i kućišta za radarski sistem sa pratećom infrastrukturom za potrebe Uprave policije Ministarstva unutrašnjih poslova Kantona Sarajevo dodjeljuje se ponuđačima:

- Euroherc osiguranje d.d. Sarajevo, i to za:
 - ✓ LOT 1- osiguranje motornih vozila (obavezno i kasko) za ponuđenu cijenu od 145.168,53 KM bez PDV-a.
- Sarajevo osiguranje d.d. Sarajevo, i to za:
 - ✓ LOT 2 – osiguranje radarskih sistema i kućišta za radarski sistem sa pratećom infrastrukturom za ponuđenu cijenu od 6.669,60 KM bez PDV-a.

II

Ponuđači će biti obaviješteni o rezultatima postupka u roku od 7 (sedam) dana od dana donošenja odluke o izboru ponuđača. Prijedlog ugovora o nabavci dostavit će se na potpis izabranim ponuđačima Euroherc osiguranje d.d. Sarajevo za LOT 1 i Sarajevo osiguranje d.d. Sarajevo za LOT 2 po isteku zakonom predviđenog roka od dana od kada su svi ponuđači obaviješteni o izboru najpovoljnije ponude.

III

Izabrani ponuđači za LOT 1 – Euroherc d.d. Sarajevo i za LOT 2 - Sarajevo osiguranje d.d. Sarajevo su u svojim ponudama dostavili tražene dokaze navedene u tački 11. tenderske dokumentacije, a koji se odnose na član 45. stav (2) tačka od a) do d), čime se oslobađaju obaveze naknadnog dostavljanja istih.

IV

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

Obrazloženje

Na osnovu Odluke broj: 02-11-4-2260/23 od 29.03.2023. godine i Obavještenja o nabavci broj: 16475-1-2-29-3-84/23 od 14.04.2023. godine, proveden je otvoreni postupak javne nabavke usluga osiguranja motornih vozila (obavezno i kasko), radarskih sistema i kućišta za radarski sistem sa pratećom infrastrukturom za potrebe Uprave policije Ministarstva unutrašnjih poslova Kantona Sarajevo.

Prema Zapisniku sa otvaranja ponuda, broj: 02-11-4-2260/23 od 05.05.2023. godine, za aktivno učešće u postupku dostavljene su ponude ponuđača za:

- LOT 1 – osiguranje motornih vozila (obavezno i kasko) - Sarajevo osiguranje d.d. Sarajevo, ASA CENTRAL osiguranje d.d. Sarajevo i Euroherc osiguranje d.d. Sarajevo;
- LOT 2 – osiguranje radarskih sistema i kućišta za radarski sistem sa pratećom infrastrukturom – Sarajevo osiguranje d.d. Sarajevo.

Komisija za nabavku usluga osiguranja motornih vozila (obavezno i kasko), radarskih sistema i kućišta za radarski sistem sa pratećom infrastrukturom za potrebe Uprave policije (u daljem tekstu Komisija) izvršila je pregled i ocjenu dostavljenih ponuda, te sačinila Zapisnik o pregledu i ocjeni ponuda, broj: 02-11-4-2260-5/23 od 15.05.2023. godine, kojim je utvrdila sljedeće:

- da je u ponudi ponuđača Sarajevo osiguranje d.d. Sarajevo za LOT 1 cijena ponude znatno veća od planiranih i osiguranih sredstava za predmetnu nabavku, te je u skladu sa članom 2. stav (1) tačka 1) podtačka 2) ponuda ponuđača Sarajevo osiguranje d.d. Sarajevo za LOT 1 neprihvatljiva. Ponuda je neprihvatljiva u ekonomskom smislu.

U skladu sa naprijed navedenim, ponuda ponuđača Sarajevo osiguranje d.d. Sarajevo za LOT 1 nije prihvatljiva, te se u skladu sa članom 68. stav (4) tačka i) i j) Zakona o javnim nabavkama BiH odbacuje.

- da je ponuda ponuđača ASA CENTRAL osiguranje d.d. Sarajevo za LOT 1 nepotpuna i ne ispunjava uslove tražene tenderskom dokumentacijom. Naime, tačkom 9. tenderske dokumentacije je utvrđeno da su ponuđači obavezni dostaviti izjavu o roku obrade zahtjeva (formu izjave propisuje ponuđač), te je u tački 13. tenderske dokumentacije, takođe navedeno da ponuda treba sadržavati pod m) Izjavu o roku obrade zahtjeva. Ponuđač ASA CENTRAL osiguranje d.d. Sarajevo u svojoj ponudi za LOT 1, navedenu izjavu nije dostavio. Komisija je takođe utvrdila da je cijena ponude za LOT 1 znatno veća od planiranih i osiguranih sredstava za predmetnu nabavku, te je u skladu sa članom 2. stav (1) tačka 1) podtačka 2) ponuda ponuđača ASA CENTRAL osiguranje d.d. Sarajevo za LOT 1 neprihvatljiva. Ponuda je neprihvatljiva u ekonomskom smislu.

U skladu sa naprijed navedenim, ponuda ponuđača ASA CENTRAL d.d. Sarajevo za LOT 1 nije prihvatljiva, te se u skladu sa članom 68. stav (4) tačka i) i j) Zakona o javnim nabavkama BiH odbacuje.

- da ponude ponuđača Sarajevo osiguranje d.d. Sarajevo za LOT 2 i Euroherc osiguranje d.d. Sarajevo za LOT 1 sadrže sve elemente tražene tenderskom dokumentacijom, odnosno da ispunjavaju sve formalno-pravne, ekonomske i tehničke uslove i shodno utvrđenom kriteriju “ekonomski najpovoljnija ponuda” ispunjavaju sve zahtjeve Ugovornog organa.

U ponudi ponuđača Euroherc osiguranje d.d. Sarajevo izvršena je ispravka:

- na strani 41. u Obrascu za cijenu ponude (Aneks II), u koloni „ukupno (obavezno osiguranje + kasko osiguranje)“, u stavci pod rednim brojem 96. ispravljena je ukupna cijena

- na strani 57. u Obrascu za cijenu ponude (Aneks II), u koloni „ukupno (obavezno osiguranje + kasko osiguranje)“, u stavci pod rednim brojem 184. ispravljena je ukupna cijena.

Ispravke su vidljive, prekrížene, potvrđene potpisom, datumom izvršene ispravke i pečatom.

U pristiglim ponudama Komisija je prilikom pregleda i ocjene ponuda utvrdila i postojanje računskih grešaka kako slijedi:

- Ukupni iznos u ponudi ponuđača Euroherc osiguranje d.d. Sarajevo za LOT 1, nakon ispravljanja računске greške, treba da iznosi 145.168,53 KM umjesto pogrešno upisanih 145.168,14 (razlika 0,39 KM).

Na upućeni zahtjev ponuđač je u ostavljenom mu roku dao svoju saglasnost za ispravku računskih grešaka.

Rang prihvatljivih ponuda prema kriteriju za dodjelu ugovora „ekonomski najpovoljnija ponuda“ na osnovu konačne rang liste ponuđača čije ponude su prihvatljive:

LOT 1			
Naziv ponuđača	Ukupna ponuđena cijena (P) – 95 bodova	Rok obrade zahtjeva (R) – 5 bodova	Ukupan broj bodova (T) - 100
Euroherc osiguranje d.d. Sarajevo	145.168,53 – 95 bodova	5 dana – 5 bodova	100 bodova

Naziv ponuđača	Ukupna ponuđena cijena (P) – 95 bodova	Rok obrade zahtjeva (R) – 5 bodova	Ukupan broj bodova (T) - 100
Sarajevo osiguranje d.d. Sarajevo	6.669,60 – 95 bodova	5 dana – 5 bodova	100 bodova

Shodno rezultatima pregleda i ocjene ponuda i rang listi prihvatljivih ponuda, Komisija je ocjenila prihvatljivom ponudu ponuđača za:

- Euroherc osiguranje d.d. Sarajevo, i to za:
 - ✓ LOT 1 – osiguranje motornih vozila (obavezno i kasko) sa ukupnom cijenom ponude u iznosu od 145.168,53 KM bez PDV-a;
- Sarajevo osiguranje d.d. Sarajevo, i to za:
 - ✓ LOT 2 – osiguranje radarskih sistema i kućišta za radarski sistem sa pratećom infrastrukturom sa ukupnom cijenom ponude u iznosu od 6.669,60 KM bez PDV-a.

U postupku donošenja ove odluke posebno su cijenjene činjenice da je pravilno i potpuno utvrđeno činjenično stanje i ocjena prispjelih ponuda u skladu sa kriterijima iz tenderske dokumentacije.

U postupku je utvrđeno da je Komisija u svemu pravilno postupila te da je preporuka data u skladu sa Zakonom o javnim nabavkama BiH, podzakonskim aktima i tenderskom dokumentacijom.

Cijeneći naprijed navedeno, a u skladu sa članom 69. stav (1) tačka a) Zakona o javnim nabavkama („Službeni glasnik BiH“, broj: 39/14 i 59/22), Zapisnikom o pregledu i ocjeni ponuda riješeno je kao u dispozitivu.

Pouka o pravnom lijeku: Protiv ove odluke može se izjaviti žalba Uredu za razmatranje žalbi, putem ovog Ugovornog organa, u roku od 10 (deset) dana od dana prijema ove odluke, a u skladu sa članom 99. i 101. Zakona o javnim nabavkama BiH („Službeni glasnik BiH“ broj: 39/14 i 59/22).

ZAMJENIK POLICIJSKOG KOMESARA
Glavni inspektor

Fatmir Hajdarević

Dostaviti:

1. Komisiji za sukcesivnu nabavku usluga osiguranja motornih vozila (obavezno i kasko), radarskih sistema i kućišta za radarski sistem sa pratećom infrastrukturom
2. Ponuđaču x3
- ③ Odjeljenju za odnose s javnošću, radi objave na web stranici ovog organa
4. a/a